

乾

象

通

鑑

乾象通鑑卷第六十

河間府免解進士臣李季奉

聖旨編

列舍胃宿後論

歲星犯胃宿

熒惑犯胃宿

鎮星犯胃宿

太白犯胃宿

辰星犯胃宿

客星犯胃宿

彗星犯胃宿

孛星犯胃宿

流星犯胃宿

雲氣犯胃宿

歲星犯胃宿

天文錄曰歲星犯胃宿其國主弱臣彊

天文總論曰歲星犯胃宿其國有變歲星入胃留九

十日穀貴倉廩爲虛

天文總論曰歲星犯胃宿天下大饑荒

荊州占曰歲星留胃宿二十日民饑穀貴逆行留胃

二十日五穀不登人多餓死

甘德曰歲星犯胃宿其國饑

巫咸曰歲星入胃國有喜天倉豐

郝萌曰歲星逆行胃宿君不務農田

石申曰歲星守胃其國大水

大象旁通曰歲星入胃中星其國倉廩不實歲歉民有饑

一行游儀後論曰歲星逆行犯胃其國多凶亦曰天庖不盈人君有飲食之憂

廣古今占曰歲星抵犯胃宿其野有大水人民有飢色溝塹餓殍

晉孝武帝太元十一年六月甲午歲星晝見在胃占曰魯有兵臣彊十二年慕容垂寇東阿翟遼寇河上姚萇歸安定府登自立隴上呂光竊據京土

晉安帝隆安三年六月戊辰歲星晝見在胃兖州分

野是年六月郝恢遣鄧啓方南以萬人伐慕容宝於滑臺敗而還

熒惑犯胃宿

天文錄曰熒惑犯胃宿糴貴留胃二十日天子受歲豐之慶若熒惑居胃之陽有倉廩充盈之喜若熒惑居胃之陰有年穀不登之災

武天文總論曰熒惑留逆行犯守胃則天下不安又曰有兵兵止無兵兵起若熒惑同鎮星在胃則女主惡之天厨有進毒者

天武密曰熒惑入胃中五穀貴天下飛蝗

陶隱居曰熒惑守胃府庫有大災

荊州占曰熒惑逆入胃中留三十日天下大兵四起

王者有憂

郝萌曰熒惑出入胃中五十日不下其國有兵變

海中占曰熒惑犯胃國多祲祥大臣當之

挺佐輔曰熒惑居胃中央則天府有大火災

陳卓叙占曰熒惑守胃大人不安倉廩庫空虛五穀

不登民多疾疫

甘德曰熒惑守胃王者發倉廩以賑饑民五穀貴

巫咸曰熒惑守胃中兵大起

李佺曰熒惑入胃中則天倉大壞天下不寧

晉成帝咸和六年十一月熒惑守胃占曰趙衛有兵  
八年七月石勒死季龍自立是時二石僭號其疆  
弱常占胃昴

興元八年十二月己酉太白犯熒惑于胃占曰太兵  
起其後庾翼大廢兵謀伐石季龍專制上流

### 鎮星犯胃宿

天文錄曰鎮星入胃天子有喜守胃則倉廩空虛五  
穀湧貴

天文總論曰鎮星逆行守胃天倉不盈天厨不豐

武密曰鎮星守胃中則大臣有變命苛政

郝萌曰鎮星流舍胃中其國民饑若逆行胃中及不明五穀不豐天下民饑若留胃二十日其野失地五十日不下其國民散徙

海中占曰鎮星守胃其國山崩人君惡之

石申曰鎮星逆胃守中星不下國多土功民飢五穀不豐

大象旁通曰鎮星凌胃宿其國大饑民多流亡百姓爭食爲盜

古今星釋曰鎮星貫胃其國有飢民亦曰人相食



太白犯胃宿

天文錄曰太白犯胃則年凶起守則倉箱不實民多  
饑殍入胃其國有兵

武密曰太白犯胃去一尺而守之則天食有兵變及  
火災

石申曰太白入胃中天厨有進毒者及兵起又曰兵  
彘內庭庫藏出玉帛穀粟

陳卓叙占曰太白犯胃軍發倉廩不出有司

李淳風曰太白留守胃中有兵喪若出入守舍胃中

五穀暴貴

大象旁通曰太白逆行入胃中其野有暴兵

古今通占曰太白失度抵觸胃中星其國天庖有火  
災亦曰天厨有陰謀又曰人君有飲食之憂

陳卓叙占曰太白逆行留胃五十日以上者其國有  
大兵爲亂又曰衆兵戮主將叛亡

晉元興八年乙酉太白犯胃占曰大兵起其後庾翼  
大發兵謀伐石季龍專制上流

### 辰星犯胃宿

天文錄曰辰星犯胃其國水驚五穀不熟

天文總論曰辰星守胃其國五穀有水澇災民飢歲歉

武密曰辰星逆行守胃萬物不成雨滂爲患民流亡  
陶隱居曰辰星乘胃倉廩不實及有兵起

石申曰辰星守胃天庖不盈民有饑色

李淳風曰辰星守胃有水災赦

陳卓叙曰辰星犯胃其國飢民散徙

黃帝占曰辰星守胃兵起大臣當之

荊州占曰辰星逆守胃二十日不下天下不安五穀

暴貴

郝萌曰辰星守胃南其野多火災守胃北其國多水災  
海中占曰辰星守胃天下多水五穀溺死人民多饑

客星犯胃宿

天文錄曰客星犯胃宿其野有使來馬糧及兵起  
天文總論曰客星犯胃中央星有諸侯使來隨有兵起  
荊州占曰客星入胃天倉有大災

陳卓叙占曰客星守胃有兵寇發太倉及諸侯有兵  
入寇一曰糴貴

陶隱居曰客星犯星兵起外寇爲亂

武密曰客星宿胃天倉不豐

李淳風曰客星守胃天厨有大發內庭大震

後漢光孝章帝元和年四月丁巳客星震出東方在

胃八度長三尺

彗星犯胃宿

天文錄曰彗星出胃中則其國有水災糴貴鹽貴  
天文總論曰彗星入出胃中其國有憂主者惡之  
陶隱居曰彗星行胃其國兵起饑民爲亂

陳卓叙占曰彗星干犯胃中隣國有兵掠民財穀  
武密曰彗星干犯胃其野兵起爲亂

李淳風曰彗星出胃其國失政民怨歲凶府庫不實  
糴貴

石申曰彗星出胃大將受戮外兵發府庫倉廩

魏嘉平四年二月丁酉彗星見西方在胃長五六丈  
色白芒南指貫參積二十日戒案占曰胃兗州之  
分參主兵至正元元年二月李豐豐弟翼后父張  
緝等謀亂皆誅后亦廢

晉穆帝昇平二年五月丁亥彗星在胃出入天船占  
曰爲兵喪除舊布新出天船大水一曰外夷侵四  
年五月天下大水五年穆帝崩

李星犯胃宿

天文錄曰李星干犯胃則天府有兵起

天文總論曰李星出入胃則擢貴兵起其國有憂王

者惡之

武密曰孛星犯胃其邦兵起爲亂掠民財穀

石申曰孛星犯胃五穀暴貴

陳卓叙占曰孛星干犯胃宿有天倉火災

大象旁通曰孛星干犯胃宿國多歲歉民多饑餓人  
相食

古今星釋曰孛星干犯胃宿其國有饑民爲盜掠民  
財穀

唐武德九年二月壬午有星孛于胃昴間孛與彗皆  
惡氣所生而災甚于彗

流星犯胃宿

天文錄曰流星犯胃則天子豐飲食抵犯胃則天倉腐米大糞爲災期一百八十日

武審曰流星入胃五穀不熟天倉火災期一年

乙巳略例曰流星黃潤出入胃中五穀貴民有饑色若流星出入胃中天下不安

大象旁通曰流星抵觸胃中央星其國有外使貸粟亦曰外姦入謀國事

古今星釋曰流星出胃中其野穀不熟糴貴民飢人相食



雲氣犯胃宿

天文錄曰黃白氣入胃有大將不臣白氣入胃則天下多荒黑氣入胃天倉空虛

天文總論曰黃雲氣入胃則府庫不盈民有饑色

廣古今占曰蒼白氣入胃中其下有急兵出胃中則有兵不戰黑雲氣入犯胃宿人君憂食亦曰糴暴貴

乾象通鑑卷第六十一

河間府免解進士臣李季奉

聖旨編

列舍昴宿前論

昴宿統占

昴宿所主分野度数

昴宿所管星

日蝕昴宿

日暈昴宿

月蝕昴宿

月暈昴宿

月犯昴宿

昴宿統占

傳曰昴宿七星天子之耳也主西方主獄事又爲旄

頭胡星也昴畢間爲天街天子出旄頭竿畢以前  
驅此其意也黃道之所經也昴明則天下牢獄平  
昴六星皆明與大星等大水七星皆黃大兵起一星  
亡爲兵喪動搖有大臣下獄及有白衣之會大而  
數動動若躍跳者胡兵大起

巫咸曰昴七星赤爲旄頭胡星主獄占曰明則天下  
獄訟平暗則刑罰濫俱明大水黃兵大起動移大  
臣繫獄不然白衣會不見則憂

天文錄曰昴畢爲天街乃黃道之所經順從則吉迂  
僻則凶

郝萌曰大星與六星齊明洪水氾濫五穀溺滂不熟  
又曰黃潤則獄訟平俱暗則有宰輔繫獄

黃帝曰七星動搖有芒角則大兵四起天下不安  
大象旁通曰昴七星主獄訟主胡兵亦爲天子之耳

又爲旄頭胡星也星明潤則兵寢刑措天下和平  
星暗則有大臣坐法星踈坼則有冤獄星就聚則  
胡兵大起星移徙則百姓受禍亦曰昴星光浮而  
數動其國有急兵亦曰胡兵犯順

陳卓叙占曰昴星齊明天下有水患亦曰大水傷禾  
稼星大小等主夷狄內侵人君有邊憂

昴宿所主分野度数

昴七星一十一度距西南星去極七十一度在赤道

內二十度

舊經昴距星去極七十四度

唐一行測昴距西南星去極七十二度

天文錄曰昴宿所主魏冀邢洛恒山具外國舍衛摩

陀北天竺并九小國

昴宿所管星

五車星在昴五度

三柱星在昴六度

天譏星在卷舌中入昴二度

卷舌星在昴北入昴四度

月星在昴東南入昴六度

天街星其東星入昴六度

天苑星在胃昴間東至昴一十一度

礪石星在五車星西其南星入昴八度

九州殊口星在天節南其東星入昴八度

天船星東鉤頭星入昴十度

日蝕昴宿

天文錄曰日在昴食天下起冤獄

天文總論曰日蝕在昴天下大水其野有兵起

天文志曰日在昴食淺者災淺深者禍大昴爲天街  
人君惡之

陶隱居曰日蝕昴其國有獄事亦曰爲大臣下獄  
大象旁通曰日蝕在昴其國有急兵亦曰有大臣失  
職生法者

古今通占曰日在昴蝕從上始者其國有急政亦曰  
有急兵日在昴蝕從中始者其野有兵火憂日在  
昴蝕從下始者其國有冤獄亦曰有王者憂

後漢光武帝建武十六年三月辛丑晦日有蝕之在

昴七度潛澤巴曰辛丑蝕主疑王昴爲獄事時諸  
郡太守坐度田不實世祖怒殺十餘人然後深悔之

日暈昴宿

天文錄曰日暈昴主有冤獄內陰謀以君赦除之又  
曰其國用兵得也

天文總論曰日暈有承載氣其國有兵亦主胡兵起  
陶隱居曰日暈昴宿天下有冤獄

大象旁通曰暈昴宿內赤黃外蒼白者其野有大  
獄亦曰貴臣繫獄

廣古今占曰日暈昴宿上有黃冠氣者其野獄訟平



期五十日有赦不爾人君有德令出

陳卓叙占曰日暈昴再重至五重者其下有兵起亦曰胡兵入寇又曰邊兵動日暈昴至十重者其國有暴兵亦曰邊城失守胡兵犯順外掠內侵

漢高祖七年日暈圜畢昴七重占曰畢昴間天街也街北胡也街南中國也昴爲匈奴參爲趙畢爲邊兵是歲高皇帝自將兵繫匈奴至平城爲冒頓單于所圍七日方解

### 月蝕昴宿

天文錄日月蝕昴大臣下獄死其分野有叛平期百

日起蝕大星胡兵侵中原

天文總論曰月蝕昴宿法官憂黜

武密曰月蝕昴有寃獄

大象旁通曰月蝕昴宿其國有貴臣被黜亦曰臣下受辱

古今通占曰月在昴蝕幾旣其野女主有獄訟事亦曰女主被廢又曰陰貴人受刑罰

陳卓叙占曰月在昴宿蝕非其月其下有女喪亦曰女主當之又曰後宮有憂

陶隱居曰月蝕昴大臣受戮有憂

晉穆帝永和十年正月己卯月蝕昴占曰趙衛有兵  
是時桓溫擅命朝廷臣多迫脅四月溫伐苻健破  
其峽柳軍十二月慕容恪攻齊

月暈昴宿

天文錄曰月暈昴宿有臣獄死其國有兵叛

天文總論曰月暈昴宿則大臣起譴妨賢者路有白  
氣貫者大臣繫獄死

石申月暈昴宿則冤獄起

大象旁通曰月暈昴與歲星合者其下刑罰中月暈  
昴與熒惑合者其國有急兵亦曰胡兵爲亂月暈

昴與鎮星合者其野大獄亦曰有冤獄月暈昴與  
太白合者其下有兵喪月暈昴與辰星合者其國  
有水災亦曰大水溺城邑禾稼不熟下民流亡

漢高帝三年月暈七重圍昴占曰昴畢爲天街街北  
胡也街南中國也昴爲匈奴畢爲邊兵是歲高帝  
自將兵繫匈奴至平城爲冒頓單于所圍七日方  
乃解

唐大曆十年九月戊申月暈昴暈中有黑氣乍合乍  
散占曰爲兵喪

唐肅宗元年建子月癸巳乙夜月掩昴而昴色白有

白氣自北貫之昴胡也氣兵喪也

月犯昴宿

天文錄曰月犯昴宿大人惡之亦爲兵起犯大星則大臣下獄犯小星則天下有獄訟濫

天文總論曰月犯昴南則中國有兵起犯昴北則匈奴有兵起犯昴胡王死天子破匈奴

武審曰月犯昴昴爲天街犯街中則貴臣下獄

陶隱居曰月入昴在陽爲早在陰爲水

河圖帝覽嬉曰昴星貫月其國君死若月乘昴大星則法官因監獄受誅

荊州占曰月出昴南三尺多獄訟五尺鬻至丈餘天子明盛又曰乘昴北將相有受誅者

後漢建武十二年七月丁丑月犯昴兩頭星占曰在昴爲邊兵起亦爲獄事其後定襄都尉陰成反太守隨誅之盧方從匈奴入居高柳至十六年十月降上璽綬一曰昴爲獄事是時大司徒歐陽歙以事繫獄逾歲死

魏正始元年十月庚寅月犯昴北第四星占曰爲胡不安二年六月鮮卑阿妙兒等寇西方敦煌太守王延破之斬二萬級三年又斬鮮卑太師及千餘級

晉成帝咸和八年八月月又犯昴九年六月八月俱犯昴占曰胡不安是時石弘雖襲勅位而石季龍擅威橫暴十一月廢弘自立遂幽殺之

咸康二年八月月又犯昴占爲兵起其後石季龍僭稱天王發七萬衆四年二月自隴西攻段遼于薊又襲慕容皝於棘城繫破其將麻秋并虜段遼之穆帝永和五年十月月犯昴占曰胡王憂將軍死是年八月褚裒北征兵十月閏中二十餘壁舉兵內附石遵攻沒南陽十一月冉閔殺石遵又盡殺十餘萬人於是趙魏大亂十二月褚裒薨

永和六年六月己丑月犯昴八年劉顯符健慕容並  
僭號殷浩北伐敗績見廢



乾象通鑑卷第六十一

乾象通鑑卷第六十二

河間府免解進士臣李季奉

聖旨編

列舍昴宿後論

歲星犯昴宿

熒惑犯昴宿

鎮星犯昴宿

太白犯昴宿

辰星犯昴宿

客星犯昴宿

彗星犯昴宿

孛星犯昴宿

流星犯昴宿

雲氣犯昴宿

歲星犯昴宿

天文錄曰歲星犯昴大星民多疾疫

天文總論曰歲星犯昴趙衛有兵一曰有赦

武密曰歲星犯昴乘昴南則中國不安乘昴北夷狄不安

海中占曰歲星逆行奄大星爲旱

考經右祕曰木犯昴天下獄訟不平

郗萌曰木奄昴賢人下獄乘兩頭星爲兵將相有生法者

武密曰守昴久而不去政事急刑罰濫其國有死君乘大星其國君出入不時

海中占曰歲星守昴忠臣受誅

武密曰歲星守昴南則有大赦守昴北賢人用

石申曰歲星犯天街胡兵不安亦曰邊兵起又曰昴  
巳南巳北俱爲兵

晉惠帝元康三年歲星鎮星太白列于昴畢占曰爲  
兵喪昴爲趙地也後賁后殺太子趙王廢后又殺  
之斬張華裴頠遂廢帝爲太上皇從此基亂連禍  
熒惑犯昴星

天文錄曰熒惑犯昴則有兵兵止無兵兵起

天文總論曰熒惑犯昴貴臣有憂其野有兵若守昴

南則中國有濫刑大臣下獄若守昴比匈奴有兵  
亂則大將受誅

陶隱居曰熒惑犯昴兩頭星左右群臣有謀不成伏  
誅守中央星大將下獄

石申曰熒惑守昴乘陽忠臣受刑乘昴陰有火災又  
曰上下情不通兵起若環繞成鈞已者國大飢君  
勿出有伏兵

石申曰熒惑入昴中國兵衰敗兵起

甘德曰熒惑入昴有赦亦爲大水

武審曰熒惑奄昴廷尉有憂或曰將軍受誅若熒惑

入天衛則大臣下獄有不平事若去反來守之不  
下胡兵不安

黃帝曰熒惑居昴成鉤已環繞有芒角如鋒刃者天  
子勿出宮庭行昴南中國受殃行昴北海外受殃  
夷狄君死

郝萌曰熒惑守昴不去讒臣進言妬害忠良若舍天  
街中不去出而復入天下大亂又曰熒惑起昴角  
如劒刃經天街三十日而三由之人主無下殿無  
出宮庭廊廟有伏兵

李佺曰熒惑舍昴中人主絕嗣有濫刑

晉惠帝永寧元年八月熒惑守昴占曰趙魏有災二年四月成都河間檄長沙王乂討之固又交戰攻焚宮闕兵敗夷滅

晉成帝咸和八年七月熒惑入昴占曰胡王死一曰趙地有兵是月石勒死石季龍多所攻沒

### 鎮星犯昴宿

天文錄曰鎮星犯昴其國大戰亦曰爲有不臣者天文總論曰鎮星犯昴中將軍死亦爲法官受誅守昴之天街則有胡兵起不利

陳卓叙占曰鎮星守昴兩頭星爲水乘中星爲旱

石申曰鎮星凌奄昴將相有坐法者

巫咸曰鎮星守昴爲水爲兵起

海中占曰鎮星入昴五穀多傷

郝萌曰鎮星守昴不明者國主少子逆行女主出入  
不時又鎮星出天街中衛兵變在外者罷

荊州占曰鎮星出入留舍昴六十日多暴獄若鎮星  
起南廷尉執起北胡兵敗

武密曰鎮星奄昴天子出獵

李佺曰鎮星守昴不去六十日大將死爲亂兵所殺  
唐咸通中鎮星與熒惑太白辰星聚于昴在趙魏之



分詔鎮州王景崇被袞冕軍府稱臣以厭之

太白犯昴宿

天文錄曰太白犯昴大星大戰不利將軍死于兵又曰守昴道路不通大水

天文總論曰太白守昴一尺已上及六十日貴人自將兵于野

黃帝占曰太白乘昴大星貴人死于兵乘兩頭群臣有謀不成坐獄死又曰太白入昴天子自將兵于野民多疾疫若守舍不去及有芒角則天下有兵亂黎民塗炭

郝萌曰太白奄昴三十日有赦過六十日有水災

陶隱居曰太白守昴天下有兵

後漢孝章帝建初元年正月丁巳太白在昴西一尺

占曰太白在昴爲兵是時蠻夷陳縱等及哀牢王  
類反攻蕉唐城永昌太守王尋走犍牁榆安夷長  
宋迺爲羗所殺

安帝延光三年二月辛未太白犯昴石申曰太白守  
昴兵從門闕入主人走郝萌曰不有亡國必有謀  
主又曰入昴大赦

晉惠帝大安二年二月太白入昴占曰天下擾兵大

起是年冬成都河間攻洛陽八月長沙王奉帝距  
二王年正月東海王越執長沙王又張方殺之

晉成帝咸康元年二月己亥太白犯胃昴占曰兵起  
歲中旱四月石季龍略騎至歷陽加司徒王導大  
司馬治兵列戍衝要是時石季龍又圍襄陽六月  
旱

康帝建元二年正月壬午太白入昴占曰趙地有兵  
又曰天下有兵起是年石季龍殺其子邃又遣將  
寇沒狄道及屯薊東謀慕容皝

晉穆帝永和四年太白入昴是時戎晉相侵趙地連

兵尤甚海西公太和二年正月太白入昴五年慕容暐爲符堅所滅之又據同冀幽并四州

晉孝武帝太元十年四月乙亥太白晝見于昴占曰魏國有兵喪是時符堅大衆奔潰趙魏兵相連相攻堅爲姚萇所殺

### 辰星犯昴宿

天文錄曰辰星犯昴后族有下獄者

天文總論曰辰星犯昴爲小戰爲大水守昴不去三十日萬物不成王者刑法急若守昴南中國旱若守昴北匈奴水災

陶隱居曰辰星犯守昴有芒角色黑爲水色赤爲旱  
色青爲憂色白爲喪

海中占曰辰星犯昴王者戒刑罰

李淳風曰辰星留昴間道路不通有兵變

唐咸通中辰星與熒惑鎮星太白聚于昴其野在趙  
魏詔鎮州王景崇被袞冕軍府稱臣以厭之

### 客星犯昴宿

天文錄曰客星入昴五穀傷其國有災

天文總論曰客星出昴南兵昴北夷狄不安

武密曰客星乘昴有賊臣從外至大臣爲亂者犯守

大旱富民貧獄訟多寃亦曰大赦守昂南中國小  
兵守北不去夷狄兵大起逆守昂中五穀貴

乙巳略例曰客星犯守昂色赤者旱糴貴守兩頭星  
大水

李淳風曰客星干犯昂中兵起大戰其國有憂色赤  
所至必有破軍侵城期七十日或三年

後漢明帝永平十四年正月戊子客星出昂六十日  
昂爲邊兵後一年漢遣奉車都尉顯親侯竇固駙  
馬都尉耿秉騎都尉耿忠開城侯秦彭太僕祭彤  
將兵繫匈奴又曰昂爲獄事客星出之爲大獄是

時考楚事未訖司徒虞迎吳楚王英黨與黃初公  
孫等交通皆自殺或下獄伏誅

### 彗星犯昴宿

天文錄曰彗星干犯昴宿其國除舊寘新人主惡之  
柄所在不可繫亦曰軍起不戰

天文總論曰彗星出昴長三尺以上天下有兵亂

武密曰彗星出昴長及六七尺更易王位

陶隱居曰彗星入昴色黑者軍敗城陷

韓揚曰彗星出昴尾掃天街者中國匈奴以兵交爭  
柄所在者勝尾芒所指者負

陳卓叙占曰彗星出昴間不有亡國必有易王期三年  
武容曰彗出昴兩頭星帝將易都

後漢建武十五年正月丁未彗星見昴炎長三丈韓  
楊占曰在大國兵起也彗星爲兵入除穢昴爲邊  
兵彗星出之爲兵至十一月定襄都尉陰承反太  
守隨之盧芳從匈奴入居高柳至十六年降璽綬  
一曰昴爲獄事是時大司徒歐陽歙以事繫獄喻  
歲死

魏正始九年三月彗星見昴長六尺色青白西南指  
占曰昴爲趙衛彗所以除舊布新主兵喪至嘉平



元年宣帝誅曹爽兄弟及其黨與皆夷三族京師  
嚴兵三年誅楚王彪又襲王凌於淮南東楚也魏  
諸王幽于鄴

晉穆帝永和六年丁丑彗星出癸未昏見西北歷昴  
畢昴爲邊兵又爲趙襄周馬父子後遂爲寇又劉  
文初清河相射嵩欲立王蒜爲天子嵩不聽殺嵩  
王閉門距官兵捕誅蒜以爲惡之所初廢爲尉氏  
侯又徙爲犍陽都鄉侯薨國絕

### 孛星犯昴宿

天文錄曰孛星干犯昴宿色白軍起不戰色赤者其

野有死將邦有憂亦爲失地

石申曰孛星入昴色赤者兵敗陷城

甘德曰孛星犯昴其野破軍殺將

大象旁通曰有星孛于胃其國有大水爲患亦曰爲  
兵起爲胡兵至外侮內侵也

陳卓叙占曰孛星干犯昴宿其野不有破軍必有死將  
晉惠帝永興二年八月有星孛于昴占曰爲兵喪昴  
爲趙魏分是後諸王爭女皆有應明年惠帝崩

### 流星犯昴宿

天文錄曰流星犯出昴中央天子有使色白出兩頭

星有諸侯使色黃入中有貴客來見君廟者

天文總論曰流星犯昴南則有中國大使色黃吉餘色凶流星犯昴北則有匈奴使色黃吉餘色凶

石申曰流星出昴間天子遣使之外國

乙巳略例曰流星入昴則鄰國有使入賀

### 雲氣犯昴宿

天文錄曰黃氣直入昴間天子祠神黃白氣繞昴得地赤色氣入昴有兵入兩頭星其國有兵驚戰勝天文總論曰有蒼雲氣入昴有兵兵敗青氣入昴間天子憂疾黑氣入昴偏將敗白氣入昴戰不勝

李全曰雲氣蒼色入昴兵散

唐肅宗元年建子月癸巳乙夜有白氣自北來貫昴  
昴胡也白氣兵喪

乾象通鑑卷第六十二

乾象通鑑卷第六十三

河間府免解進士臣李季奉

聖旨編

列舍畢宿前論

畢宿統占

畢宿所主分野度数

畢宿所管星

日蝕畢宿

日暈畢宿

月蝕畢宿

月犯畢宿

月暈畢宿

畢宿統占

傳曰畢八星主邊兵主戈獵其大星曰天高一曰邊

將主四夷之尉也。星明大則遠夷來貢，天下安矣。  
色則邊兵亂，星盛則中國微，有盜賊，邊候有警，外  
國反移，動讒佞行，月入畢，多雨。

巫咸曰：畢八星赤在昴東，一曰罕軍，爲邊馬主，戈獵。  
大星曰天高一，曰邊將，曰夷狄之尉。占曰：明則天  
下安，遠夷入貢，暗則邊兵亂，推動兵起，月宿畢，多  
雨，必風矣。

大象旁通曰：畢八星爲邊兵，爲遠夷，爲戈獵，爲邊將。  
星明潤則四夷攸服，諸侯面內，星明大出，怒角則  
邊兵動，星踈圻則邊將死，邊士陷，星就聚則邊兵

爲亂星移徙則邊將以兵叛天子又曰邊城失守  
古今星釋曰畢八星主凶夷之事星光浮而數乍東  
乍西其野有叛夷入寇亦曰夷狄內侵邊民受禍

畢宿所主分野度數

畢宿八星一十七度距畢口比星去極七十七度在  
赤道內一十四度

舊經距畢口比星去極七十八度

唐一行測距去極七十六度

天文錄曰畢宿所主分野中山安平趙州河間外國  
震旦雪山龍中天竺國并九小國



畢宿所管星

五車星在畢北其五車西南入畢口六度東南入畢  
一十六度

咸池星在五車中其南星入畢一十度

柱星在五車中其南三星入畢一十度

天潢星在五車中其南星入畢一十一度

天高星在畢口東北其西北星入畢三度半

諸王星在五車南東西列其西星入畢六度

附耳星附畢口南星入畢三度

參旗星在畢參間北星入畢一十六度半

天節星在畢南其北頭西第二星入畢二度  
玉井星在參右腳其西北星入畢七十二度  
軍井星在玉井東南其西北星入畢一十四度半  
九游星在九州殊口南東北列其北星入畢九度半  
九州殊口星在天節南其西北星入畢二度  
天園星在天苑南其東北星入畢九度  
天屏星在參右腳南其北星入畢一十五度  
礪石星在五車西其南星入畢四度

日食畢宿

天文錄曰日蝕畢宿其國君憂

天文總論曰日蝕畢宿大臣失謀事夷狄兵起

武密曰日蝕畢宿外國諸侯有不庭之事

石申曰日蝕在畢國君有憂兵事者

大象旁通曰日在畢蝕從上始者天子以戈獵爲事  
政事不脩日在畢蝕從中始者猶黑子也是亦中  
蝕也其國有叛命大臣亦曰諸侯不面內禮樂征  
伐不自天子出日在畢蝕從下始者主邊將不順  
王命亦曰邊兵有亂

古今通占曰日在畢蝕晦日不在朔日其野有不庭  
之方日在畢蝕二日不在朔日主外國入寇中國

亦曰夷狄彊盛

後漢光武建武七年三月癸亥晦日有蝕之在畢五  
度爲邊兵秋隗囂反侵安定冬盧芳所置朔方雲  
中太守各舉郡降

建武二十五年十二月戊申晦日有蝕之在畢一十  
五度爲邊兵其冬十月以武谿蠻夷爲寇害伏波  
將軍馬援將兵擊之

唐正觀九年閏四月丙寅朔日在畢十二度蝕占曰  
爲邊兵

日暈畢宿

天文錄曰日暈畢大臣凶多風雨損傷禾稼人民疾疫

天文總論曰日暈宿畢宿夷狄盛彊兵起外國

武密曰日暈畢宿有冤獄起其國多雨傷民田歲飢  
廣古今占曰日暈畢宿夷狄不受制中國若暈有黑  
氣奄覆者尤甚

大象旁通曰日暈畢與畢口俱開口期三日有風雨

古今注曰畢口與日暈俱啓口  
者謂暈不同與暈口相通者也

古今星釋曰日暈畢再重至五重者人君荒戈獵馳  
逐之事天下怨嗟若暈及十重者國將棄祀

陳卓叙占曰日暈畢內赤黃外蒼白旁有黑氣往來者其野有暴兵起亦曰有邊兵動

月蝕畢宿

天文錄曰月蝕在畢其邦君外國受兵

天文總論曰月蝕畢邊兵大戟大臣受誅

武密曰月蝕畢夷狄兵起侵犯中國

海中占曰月蝕畢宿遠兵起中國勢衰

大象旁通曰月蝕畢宿幾旣邊將失利一曰軍覆將死

古今通占曰月蝕畢不在望其國有不庭之方一曰

警起不測

陳卓叙占曰月蝕畢宿從上始者其國有坐法大臣  
亦曰大將被逐從旁始者外國受兵從下始者邊  
兵爲亂

月暈畢宿

天文錄曰月暈畢宿有逆令八臣

天文總論曰月暈畢宿邊臣造叛

李淳風曰月暈畢宿中國夷狄先起兵者勝又曰君  
有兵革之事

石申曰月暈畢宿有邊釁謀反八君

大象旁通曰月暈畢宿在上弦日其野人君受制又  
曰主弱臣強月暈畢在下弦日其野有邊將以兵  
叛主

陳卓叙占曰月暈畢一重期三日有風雨若暈三重  
五至重者其國有邊臣爲亂亦曰邊兵叛

廣古今占曰月暈畢與歲星合者人君好田獵暈畢  
與熒惑合者其下有叛臣一曰邊地有兵火月暈  
畢與鎮星合者其野失邊一曰邊士陷暈與太白  
合者邊將爲亂一曰外夷內侵暈與辰星合者其  
下有坐法逆令之臣



漢高皇帝七年月暈圍參畢七重占曰昴畢間天街也街北曰胡街南曰中國也昴爲中國匈奴參爲趙畢爲邊兵是歲高皇帝自將兵擊匈奴至平城爲冒頓單于所圍七日方解

月犯畢宿

天文錄曰月犯畢有邊兵大起

天文總論曰月犯畢口其國亡地又曰月入畢口中不有亡國必有死君

黃帝曰月犯畢距星有兵起及內變

郊萌日月犯畢左股星將相有變

陶隱居曰月犯畢夷狄有兵兵罷無兵兵起

古今星釋曰月逆行犯守畢宿其下有邊釁作一曰  
邊將有陰謀

大象旁通曰野有失職邊臣一曰邊將坐法

古今通占曰月失行抵畢左股星其國邊將失利一  
曰外夷內擾邊民受禍

陳卓叙占曰月逆行畢宿太南則中國兵強月逆行  
畢宿太北則夷狄兵盛月順行依軌度則邊廷肅  
靖天下和平

海上通占曰月宿畢中不多風雨故星傳以為月宿畢裏颶風暴起者是也

魏明帝青龍四年五月壬寅月入畢口占曰畢爲邊兵又主刑罰九月涼州塞外胡阿畢使侵犯諸國西域校尉張就討之斬首捕虜萬計

晉武帝咸康五年四月乙未月犯畢距星占曰兵起是月庚申丞相王導薨庾冰伐輔政八月太尉郗鑒薨又有沔南涿城之敗百姓流亡萬餘家六年正月征西大將軍庾冰薨

咸康八年八月壬寅月犯畢占曰下犯上兵革起十

月月又奄畢大星其建武元年庾翼大發兵謀伐石李龍專制上流朝廷憚之

穆帝永和元年正月丁丑月入畢占曰兵大起九月庚戌月又犯之是年初庾翼在襄陽七月翼疾將終輒以子援之爲荊州刺史伐已任之尋被廢是年七月八日皆犯畢占驗如上

昇平元年六月壬子月犯畢占曰爲邊兵其五年五月符堅殺生而卒十二月慕容儁入屯鄴

升平三年八月甲子月犯畢大星占曰爲邊兵一曰下犯上五年九月乙酉月奄畢是年帝萌

升平五年九月乙酉月奄畢占曰有邊兵十月丁未  
月犯畢大星占曰下犯上又曰有邊方八月范汪  
廢隆和元年慕容暉遣將寇河陰

安帝義熙十年正月丁卯月犯畢占曰將相有以家  
坐罪者十年三月丁巳月入畢占曰天下兵起曰有邊兵  
北齊武成帝清河元年八月甲寅月奄畢占曰其國  
君死大臣有誅者有邊兵大戰破軍殺將其年十  
月平秦王歸彥以反誅其三年周師與突厥入并  
州大戰城西伏屍流血百餘里皆其應也

乾象通鑑卷第六十四

河間府免解進士臣李季奉

聖旨編

列舍畢宿後論

歲星犯畢宿

熒惑犯畢宿

鎮星犯畢宿

白太犯畢宿

辰星犯畢宿

客星犯畢宿

彗星犯畢宿

孛星犯畢宿

流星犯畢宿

雲氣犯畢宿

歲星犯畢宿

天文錄曰歲星干犯畢宿則有死將相

天文總論曰歲星犯守畢宿則有小兵

武密曰歲星干犯畢有獄事及將相

李淳風曰歲星入畢其分野人民有疫疾

陶隱居曰歲星守畢留三十日已上則有赦年豐

荊州占曰歲星犯畢口天下有獄訟

陳卓叙占曰歲星犯畢邊兵爲亂

石申曰歲星守畢有小兵歲饑若留三十日有赦若

久守人有疾若歲星與熒惑同守畢年殺不登

武密曰歲星犯畢天子惡之若歲星經畢其國有兵

若逆行變色政令不行

海中占曰歲星守附耳主君淫聽覽中臣下獄

熒惑犯畢宿

天文錄曰熒惑犯畢宿其國君有大疾

挺佐輔曰熒惑居畢陽有喜居畢陰有大憂

天文總論曰熒惑凌犯畢而有芒角大人惡之其國有邊兵起

武密曰熒惑犯畢口則大將下獄

陶隱居曰熒惑守畢則天下有大雨水百穀不成

却萌曰熒惑守畢天子易政良民徙居



荊州占曰熒惑守畢黑色大雨水或大風飛石

陳卓叙占曰熒惑乘畢口左股星爲大兵穀貴乘畢口右股星爲大水

却萌曰熒惑留畢忠臣入夷狄亂臣在朝

荊州占曰熒惑守畢天子惡之若逆行變色元臣咸非其人

甘德曰熒惑入畢口成鉤已環繞之夷狄有大變兵起

石申曰熒惑與太白同守畢盜賊並起

武密曰熒惑守畢成鉤已環繞三十日已上者天子

將兵

李淳風曰熒惑犯畢而有芒角者有白衣者起

魏齊王正始七年七月乙亥熒惑犯畢距星占曰有

邊兵一曰刑罰用

鎮星犯畢宿

天文錄曰鎮星入畢民多訟物不熟

天文總論曰鎮星乘畢占左股爲水右股爲兵穀貴

武密曰鎮星守畢天下獄訟多冤

李淳風曰鎮星犯畢五穀傷民流亡若逆行女主專

政一曰女主有暴貴者

陶隱居曰鎮星守畢萬物不成民多疾疫

却萌曰鎮星犯畢其地當成失國若乘畢中其國有死君若逆行失色女專政于朝

荊州占曰鎮星徙於畢左右春夏為火秋冬為水

却萌曰鎮星出入留舍畢其國以威致天下

李佺曰鎮星有芒角在畢口中夷狄有窺伺中國事

晉安帝義熙六年八月丁丑鎮星犯畢占曰有兵是

年始興太守徐道覆反七年十二月劉蕃殺徐道

覆首傳送京師

太白犯畢宿

天文錄曰太白犯畢夷狄起兵貴人下獄

天文總論曰太白犯畢則其野有兵

李淳風曰太白入畢口犯左股將相當之

陶隱居曰太白犯畢將相憂兵

甘德曰太白犯畢三寸已內中國受殃有兵火

石申曰太白守畢車騎滿野其下有喪

巫咸曰太白守畢姦臣有謀

海中占曰太白犯畢不出一年有兵起殃在貴人

郗萌曰太白逆行守畢王者惡之又曰若退守畢客

畢大饑

武密曰太白客舍畢色不明有喪若行環繞成鉤已  
大人忌之

李佺曰太白干畢成鉤已不有破軍必有死將

後漢明帝永平十六年四月癸未太白犯畢畢爲邊  
兵後匈奴寇入雲中至咸陽使者高弘發三郡兵  
追討無所得太僕祭彫坐不進下獄

後漢安帝元初元年六月丙寅太白入畢口中

造光二年五月癸丑太白入畢郗萌曰太白入畢馬  
馳人走又曰中國有喪四年三月丁丑安帝巡狩  
從南陽還道寢疾至鄴崩後北鄉使懿病薨

延光四年十一月太白犯畢爲近兵一曰大人當之  
是時閭顯江京不肯立太子保中黃門孫程國王  
康等十九人謀諸顯京等立太子保爲孝順皇帝  
魏明帝青龍四年五月壬寅太白犯畢左股第一星  
占曰畢爲邊兵又主刑罰九月涼州塞外阿畢使  
侵犯諸國西域校尉張軌討之斬首捕虜萬計  
晉武帝太康八年三月太白守畢至是百餘日占曰  
有急令之憂一曰死相又爲邊境不安後賈后陷  
殺太子

成帝咸康六年四月丙午太白犯畢距星占曰兵革

起一曰女主憂七年三月皇后杜氏崩

辰星犯畢宿

天文錄曰辰星犯畢則大臣下獄及有兵

天文總論曰辰星犯畢在陽爲趙魏在陰爲夷狄明  
大爲兵不明爲水

陶隱居曰辰星守畢則布帛貴

石申曰辰星守畢爲水三日不去爲主憂大臣戮

巫咸曰辰星守畢徼役重又曰盜賊四起

郊萌曰辰星犯乘守畢大臣當之

李淳風曰辰星逆行變色于犯畢口中有內亂下謀

上

石申曰辰星犯畢水旱並興兵革布帛貴

客星犯畢宿

天文錄曰客星入畢口將相有憂期三月有赦

天文總論曰客星犯乘凌畢則旱人君修飾吉謝

李淳風曰客星入畢夷狄有來使者出畢君使入於

夷狄

却萌曰客星舍畢兵起邊陲一曰邊民受禍

荊州占曰客星守畢天下有火災

黃帝曰客星守畢糴貴民飢有土功



甘德曰客星入畢口中天子有喪其野有兵

郗萌曰畢口有客星留舍不去夷狄有大兵起

後漢桓帝永興元年五月客星守畢口占曰天子絕

嗣一曰大臣有陰謀是時諸王擁兵其後惠帝失

統無繼嗣

彗星犯畢宿

天文錄曰彗星犯畢則大臣相疑

天文總論曰彗星守畢其分飛蝗民饑

荊州占曰彗星守畢大臣謀主

武密曰彗星出畢守之有大喪兵起

石申曰彗星犯畢夷狄兵起

武密曰彗星干犯掃畢口其野有兵天下大亂荒

### 孛星犯畢宿

天文錄曰孛星犯畢久而不去天下有兵火

天文總論曰孛星干犯畢口大臣受誅

石申曰孛星犯畢劔戟用兵火起

運斗樞曰孛星守畢大臣作亂

武密曰孛星守畢天子有喪德令不出蝗蟲起民流

亡

大象旁通曰孛星干犯畢口中其野有邊釁亦曰邊

將死

古今星釋曰孛星出畢口中其國人君好田獵馳逐之事內不修政事夷狄外侵擾

後漢桓帝永興二年八月有星孛于畢占曰爲兵喪畢爲趙魏是後諸王交兵明年惠帝崩

流星記畢宿

天文錄曰流星入畢王者惡之

天文總論曰流星入畢口中外國有使來流大者火使流小者小使若色黃則有喜餘色俱凶

武密曰流星入畢色白者使來言義或言兵事

鄒萌曰流星犯畢臣叛又曰其歲大臣相賊若抵畢

大臣相賊若犯左股畢大臣下獄

武密曰流星入畢口夷狄使來色黃以土功白以義  
青以憂黑以凶

乙巳略例曰流星入畢遠國夷狄入貢大臣入賀出  
畢口中天子遣使邊兵謀上色白有喪

### 雲氣犯畢宿

天文錄曰黃氣入畢天子有喜夷狄來賀獄訟平

天文總論曰白氣正抵畢口潤澤如疋練邊庭有將

出又曰青雲氣出畢則天子使諸侯出

郝萌曰青氣出畢天子令諸侯黃氣出畢天子有子  
孫喜又曰夷狄受天子賞貴若黃白如疋布者諸  
侯有來附君者白氣入畢亂臣在君側黑氣入畢  
大臣受誅